

校正宋板傷寒論

中

ヤ 9
1121
2



1121
2

原本無方目
以其各證皆
舉方也今一
方主衆證則
始證舉方而
餘證刪之除
重複矣故揭
方目備搜索

校正傷寒論卷之二下方目

卷之二太陽病篇十一首

桂枝湯
桂枝加葛湯

桂枝加附子湯
桂枝去芍藥湯

桂枝去芍藥加附子湯
桂枝麻黃各半湯

桂枝二麻黃一湯
桂枝二越婢一湯

桂枝去桂加茯苓白朮湯
甘草乾薑湯

芍藥甘草湯

卷之三太陽病篇三十五首

葛根湯
葛根加半夏湯

葛根黃芩黃連湯
麻黃湯



91-2032

大青龍湯

小青龍湯

桂枝加厚朴杏子湯

乾薑附子湯

桂枝加芍藥生薑各一兩人參三兩新加湯

麻黃杏仁甘草石膏湯

桂枝甘草湯

茯苓桂枝甘草大棗湯

茯苓桂枝白朮甘草湯

厚朴生薑半夏甘草人參湯

芍藥甘草附子湯

茯苓四逆湯

調胃承氣湯

五苓散

茯苓甘草湯

梔子豉湯

梔子甘草豉湯

梔子生薑豉湯

梔子厚朴湯

梔子乾薑湯

小柴胡湯

小建中湯

大柴胡湯

柴胡加芒硝湯

桃核承氣湯

柴胡加龍骨牡蠣湯

桂枝加桂湯

桂枝去芍藥加蜀漆牡蠣龍骨救逆湯

桂枝甘草龍骨牡蠣湯

抵當湯

抵當丸

卷之四太陽病篇 二十六首

大陷胸丸

大陷胸湯

小陷胸湯

文蛤散

白散

柴胡桂枝湯

柴胡桂枝乾薑湯

半夏瀉心湯

十棗湯

大黃黃連瀉心湯

附子瀉心湯

生薑瀉心湯

甘草瀉心湯

赤石脂禹餘糧湯

旋復代赭石湯

桂枝人參湯

瓜蒂散

白虎加人參湯

黃芩湯

黃芩加半夏生薑湯

黃連湯

桂枝附子湯

桂枝附子去桂加白朮湯

甘草附子湯

白虎湯

炙甘草湯

卷之五陽明病篇 八首

大承氣湯

小承氣湯

蜜煎方

猪膽汁

茵陳蒿湯

麻子仁丸

梔子蘘皮湯

麻黃連軀赤小豆湯

卷之六太陰病篇 二首

桂枝加芍藥湯

桂枝加大黃湯

同卷少陰病篇 十八首

麻黃細辛附子湯

麻黃附子甘草湯

黃連阿膠湯

附子湯

桃花湯

吳茱萸湯

猪膚湯

甘草湯

桔梗湯

苦酒湯

半夏散

白通湯

白通加猪膽湯

真武湯

通脉四逆湯

四逆散

猪苓湯

四逆湯

同卷厥陰病篇 六首

烏梅丸

當歸四逆湯

當歸四逆加吳茱萸生薑湯

麻黃升麻湯

乾薑黃芩黃連人參湯

白頭翁湯

右傷寒藥方合百六首

卷之七霍亂陰陽易差後勞復病篇 六首

四逆加人參湯

理中丸

通脉四逆加猪膽湯

燒禪散

枳實梔子豉湯

牡蠣澤瀉散

合六首

右全篇藥方通計百十二首

方目 終

校正傷寒論卷之二下

原方一十四
首今除重複
得一十一方



原本曰作為

辨太陽病脈證并治上第一合一十六法
太陽之為病。脈浮。頭項強痛而惡寒。

太陽病發熱汗出惡風脈緩者名為中風。

太陽病或已發熱或未發熱必惡寒體痛嘔逆脈陰陽

俱緊者名曰傷寒。

傷寒一日太陽受之脈若靜者為不傳。頗欲吐若躁煩

脈數急者為傳也。

傷寒二三日陽明少陽證不見者為不傳也。

太陽病發熱而渴不惡寒者為溫病。若發汗已身灼熱

者名風溫。風溫為病脈陰陽俱浮自汗出身重多眠睡。

原本名字下
有日字

鼻息必艱。語言難出。若被下者。小便不利。直視失溲。若被火者。微發黃色。劇則如驚癇。時瘕瘲。若火熏之。一逆尚引日。再逆促命期。

病有發熱惡寒者。發於陽也。無熱惡寒者。發於陰也。發於陽七日愈。發於陰六日愈。以陽數七陰數六故也。太陽病頭痛。至七日以上自愈者。以行其經盡故也。若欲作再經者。針足陽明。使經不傳則愈。

太陽病欲解時。從巳至未上。風家表解而不了了者。十二日愈。

病人身大熱。反欲得衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。

太陽中風。陽浮而陰弱。陽浮者。熱自發。陰弱者。汗自出。嗇嗇惡寒。淅淅惡風。翕翕發熱。鼻鳴乾嘔者。桂枝湯主之。

桂枝

三兩
去皮

芍藥

三兩

甘草

二兩
炙

生薑

三兩
切

太棗

十二枚
擘

右五味。㕮咀三味。以水七升。微火煮。取三升。去滓。適寒溫。服一升。服已須臾。歔熱稀粥一升餘。以助藥力。溫覆令一時許。遍身漿漿微似有汗者。益佳。不可令如水。流離病必不除。若一服汗出病差。停後服。不必盡劑。若不汗。更服。依前法。又不汗。後服小促其間。半日許。令三服盡。若病重者。一日一夜服。周時觀之。服

一劑盡病證猶在者更作服若汗不出乃服至二三劑禁生冷粘滑肉麵五辛酒酪臭惡等物

太陽病頭痛發熱汗出惡風者桂枝湯主之

太陽病項背強几几反汗出惡風者桂枝加葛根湯主之

葛根 四兩

麻黃 三兩 去節

芍藥 二兩

生薑 三兩 切

甘草 二兩 炙

大棗 十二枚 擘

桂枝 二兩 去皮

右七味以水一斗先煮麻黃葛根減二升去上沫內

諸藥煮取三升去滓溫服一升覆取微似汗不須啜

粥餘如桂枝法將息及禁忌臣億等謹按仲景本論

傷寒無汗用麻黃今證云汗出也第三卷有葛根湯惡風而方中有麻黃恐非本意證云無汗惡風正與

此証疑錯誤
忘云傷寒無
汗用麻黃今
證云汗出恐

非本意第
三卷有葛
根湯

方中有麻
黃

正與此方
同

證云無汗
惡

風是合用
麻

黃也此云
桂

枝加葛根
湯

恐是桂枝
湯

中但如葛
根

此方同是合用麻黃也此云桂枝加葛根湯恐是桂枝中但加葛根耳

太陽病下之後其氣上衝者可與桂枝湯方用前法若

不上衝者不可與之

太陽病三日已發汗若吐若下若溫針仍不解者此為

壞病桂枝不中與之也觀其脈證知犯何逆隨證治之

桂枝本為解肌若其人脈浮緊發熱汗不出者不可與

之也常須識此勿令誤也

若酒客病不可與桂枝湯得湯則嘔以酒客不喜甘故

也

喘家作桂枝湯加厚朴杏子佳

凡服桂枝湯吐者其後必吐膿血也

太陽病發汗遂漏不止其人惡風小便難四肢微急難以屈伸者桂枝加附子湯主之

桂枝三兩 去皮 芍藥三兩 甘草三兩 炙 生薑三兩 切

大棗十二枚 擘 附子一枚 炮去皮 破八片

右六味以水七升煮取三升去滓温服一升本云桂

枝湯今加附子將息如前法

太陽病下之後脉促曾滿者桂枝去芍藥湯主之促一作繼

若微惡寒者桂枝去芍藥加附子湯主之桂枝去芍藥

湯

桂枝三兩 去皮 甘草二兩 炙 生薑三兩 切 大棗十二枚 擘

右四味以水七升煮取三升去滓温服一升本云桂

枝湯今去芍藥將息如前法

桂枝去芍藥加附子湯

桂枝三兩 去皮 甘草二兩 炙 生薑三兩 切 大棗十二枚 擘

附子一枚 炮去皮 破八片

右五味以水七升煮取三升去滓温服一升本云桂

枝湯今去芍藥加附子將息如前法

太陽病得之八九日如瘧狀發熱惡寒熱多寒少其人不嘔清便欲自可一日二三度發脉微緩者為欲愈也脉微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必痒宜桂枝麻黃各半湯

桂枝一兩十六銖去皮

芍藥一兩生薑切

甘草炙

麻黃各一兩去節

大棗四枚

杏仁二十四枚湯浸去皮尖及兩仁

者

右七味以水五升先煮麻黃一二沸去上沫內諸藥

煮取一升八合去滓溫服六合本云桂枝湯三合麻

黃湯三合併為六合頓服將息如上法臣億等謹按桂枝湯方桂

枝芍藥生薑各三兩甘草二兩大棗十二枚麻黃湯方麻黃三兩桂枝二兩甘草一兩杏仁七十箇今以

算法約之湯各取三分之一即得桂枝一兩十六銖芍藥生薑甘草各一兩大棗四枚杏仁二十三箇

零三分枚之一枚之得二十四箇合方詳此方乃三分之一非各半也宜云合半湯

太陽病初服桂枝湯反煩不解者先刺風池風府却與

桂枝湯則愈

服桂枝湯大汗出脈洪大者與桂枝湯如前法若形如

瘧一日再發者汗出必解宜桂枝二麻黃一湯

桂枝一兩十七銖去皮 芍藥一兩六銖 麻黃十六銖 去節

生薑一兩六銖 杏仁十六箇 甘草一兩二銖 炙

大棗五枚

右七味以水五升先煮麻黃一二沸去上沫內諸藥

煮取二升去滓溫服一升日再服本云桂枝湯二分

麻黃湯一分合為二升分再服今合為一方將息如

前法臣億等謹按桂枝湯方桂枝芍藥生薑各三兩甘草二兩大棗十二枚麻黃湯方麻黃三兩桂枝

枝二兩甘草一兩杏仁七十箇今以算法約之桂枝湯取十二分之五即得桂枝芍藥生薑各一兩六銖

甘草二十銖大棗五枚麻黃湯取九分之二枚之得十一銖甘

黃十六銖桂枝十銖三分銖之二枚之得十一銖甘

桂枝湯
更發汗宜桂枝二越婢一湯
參湯主之
太陽病發熱惡寒熱多寒少脈微弱者此無陽也不可
服桂枝湯大汗出後大煩渴不解脈洪大者白虎加人
參湯主之
甘草五銖三分銖之一叔之得六銖杏仁十五箇九分
枚之四叔之得十六箇二湯所取相合即共得桂枝
一兩十七銖麻黃十六銖生薑芍藥各一兩六
銖甘草一兩二銖大棗五枚杏仁十六箇合方

更發汗宜桂枝二越婢一湯

桂枝去皮 芍藥 麻黃 甘草各十八銖炙

大棗四枚擘 生薑一兩二銖切 石膏二十四銖碎綿裹

右七味以水五升煮麻黃一二沸去上沫內諸藥煮
取二升去滓溫服一升本云當裁為越婢湯桂枝湯
合之飲一升今合為一方桂枝湯二分越婢湯一分

臣億等謹按桂枝湯方桂枝芍藥生薑各二兩甘草
二兩大棗十二枚越婢湯方麻黃二兩生薑三兩甘
草二兩石膏半斤大棗十五枚今以算法約之桂枝
湯取四分之二即得桂枝芍藥生薑各十八銖甘草
十二銖大棗三枚越婢湯取八分之一即得麻黃十
八銖生薑九銖甘草六銖石膏二十四銖大棗一枚
八分之七并之二湯所取相合即共得桂枝芍藥甘
草麻黃各十八銖生薑一兩三銖石膏二十四銖大
棗四枚合方舊云桂枝三今取四分之二即當云桂
枝二也越婢湯方見仲景雜方中外臺秘要一云起
湯脾

服桂枝湯或下之仍頭項強痛翕翕發熱無汗心下滿
微痛小便不利者桂枝去桂加茯苓白朮湯主之

芍藥 三兩 甘草 二兩 炙 生薑 切 白朮

茯苓 各三兩 大棗 十二枚 擘

右六味以水八升煮取三升去滓溫服一升小便利

則愈。本云桂枝湯。今去桂枝。加茯苓白朮。

傷寒。脈浮。自汗出。小便數。心煩。微惡寒。脚攣急。反與桂枝湯。欲攻其表。此誤也。得之便厥。咽中乾。煩躁。吐逆者。作甘草乾薑湯。與之。以復其陽。若厥愈。足溫者。更作芍藥甘草湯。與之。其脚即伸。若胃氣不和。譫語者。少與調胃承氣湯。若重發汗。復加燒針者。四逆湯主之。

甘草乾薑湯方

甘草 四兩

乾薑 二兩

右二味。以水三升。煮取一升五合。去滓。分溫再服。

芍藥甘草湯方

芍藥

甘草

各四兩

成本形作證

右二味。以水三升。煮取一升五合。去滓。分溫再服。問曰。證象陽。且按法治之。而增劇。厥逆。咽中乾。而脛拘急。而譫語。師曰。言夜半手足當溫。而脚當伸。後如師言。何以知此。荅曰。寸口脈浮而大。浮為風。大為虛。風則生微熱。虛則兩脛攣。病形象桂枝。因加附子。參其間。增桂。令汗出。附子溫經。亡陽故也。厥逆。咽中乾。煩躁。陽明內結。譫語煩亂。更飲甘草乾薑湯。夜半陽氣還。兩足當熱。脛尚微拘急。重與芍藥甘草湯。爾乃脛伸。以承氣湯。微溼。則止其譫語。故知病可愈。

大日本

尾張

淺野微元甫校

校正傷寒論卷之二

原方三十九
首今除重複
得三十五首

校正傷寒論卷之三

辨太陽病脈證并治中第二合六十六法方三十九首并見太陽陽明合病法

太陽病項背強几几無汗惡風葛根湯主之

葛根 四兩

麻黃 三兩去節

桂枝 二兩去皮

生薑 三兩切

甘草 二兩炙

芍藥 二兩

大棗 十二枚擘

右七味以水一斗先煮麻黃葛根減二升去白沫內

諸藥煮取三升去滓溫服一升覆取微似汗餘如桂

枝法將息及禁忌諸湯皆倣此

太陽與陽明合病者必自下利葛根湯主之

太陽與陽明合病不下利但嘔者葛根加半夏湯主之

葛根 四兩 麻黃 三兩 去節 甘草 二兩 炙 芍藥 二兩

桂枝 二兩 去皮 生薑 二兩 切 半夏 半升 洗 大棗 十二枚 擘

右八味以水一斗先煮葛根麻黃減二升去白沫內諸藥煮取三升去滓溫服一升覆取微似汗

太陽病桂枝證醫反下之利遂不止脈促者表未解也喘而汗出者葛根黃芩黃連湯主之促一作縱

葛根 半斤 甘草 二兩 炙 黃芩 三兩 黃連 三兩

右四味以水八升先煮葛根減二升內諸藥煮取二升去滓分溫再服

太陽病頭痛發熱身疼腰痛骨節疼痛惡風無汗而喘者麻黃湯主之

麻黃 三兩 去節 桂枝 二兩 去皮 甘草 一兩 炙 杏仁 七十箇 去皮

右四味以水九升先煮麻黃減二升去上沫內諸藥煮取二升半去滓溫服八合覆取微似汗不須啜粥餘如桂枝法將息

太陽與陽明合病喘而胃滿者不可下宜麻黃湯

太陽病十日以去脈浮細而嗜臥者外已解也設胃滿脅痛者與小柴胡湯脈但浮者與麻黃湯

太陽中風脈浮緊發熱惡寒身疼痛不汗出而煩躁者大青龍湯主之若脈微弱汗出惡風者不可服之服之則厥逆筋惕肉瞤此為逆也大青龍湯

麻黃六兩 去節 桂枝二兩 去皮 甘草二兩 炙 杏仁四十枚 去

皮尖 生薑三兩 切 大棗十枚 擘 石膏如雞子 大碎

右七味以水九升先煮麻黃減二升去上沫內諸藥
煮取三升去滓溫服一升取微似汗汗出多者溫粉
撲之一服汗者停後服若復服汗多亡陽遂虛惡風
煩躁不得眠也

傷寒脈浮緩身不疼但重乍有輕時無少陰證者大青
龍湯發之

傷寒表不解心下水氣乾嘔發熱而欬或渴或利或
噎或小便不利少腹滿或喘者小青龍湯主之

麻黃去節 芍藥 細辛 乾薑 甘草炙

凡一方主治
多證者以證
異本則一
也如此方及

小柴胡湯是
也若一方不
足主治則加
一二味治之

如葛根加半
夏湯柴胡加
龍骨牡蠣湯
是也而今就
各證加於者
皆出于後人
者也下皆同

桂枝各三兩 去皮 五味子半升 半夏半升 洗

右八味以水一斗先煮麻黃減二升去上沫內諸藥
煮取三升去滓溫服一升若渴者去半夏加栝樓根

三兩若微利去麻黃加薤花如一雞子熬令赤色若
噎者去麻黃加附子一枚炮若小便不利少腹滿者

去麻黃加茯苓四兩若喘者去麻黃加杏仁半升去
皮尖且薤花不治利麻黃主喘今此語反之疑非仲

景意臣億等謹按小青龍湯大要治水又按本草薤
花下十二水若水去利則止也又按千金形腫
者應內麻黃乃內杏仁者以麻黃發
其陽故也以此證之豈非仲景意也

傷寒心下水氣欬而微喘發熱不渴服湯已渴者此
寒去欲解也小青龍湯主之

太陽病外證未解。脈浮弱者。當以汗解。宜桂枝湯。
太陽病下之微喘者。表未解故也。桂枝加厚朴杏子湯
主之。

桂枝

三兩 去皮

甘草

二兩 炙

生薑

三兩 切

芍藥

三兩

大棗

十二枚

厚朴

二兩 炙 去皮

杏仁

五十枚 去皮尖

右七味。以水七升。微火煮。取三升。去滓。溫服一升。覆

取微似汗。

成本解下有者字

枝湯

太陽病。先發汗。不解。而復下之。脈浮者。不愈。浮為在外。而反下之。故令不愈。今脈浮。故在外。當須解外。則愈。宜

成本在上者知字

桂枝湯

太陽病。脈浮緊。無汗發熱。身疼痛。八九日不解。表證仍在。此當發其汗。服藥已。微除其人發煩。目瞑。劇者必衄。衄乃解。所以然者。陽氣重故也。麻黃湯主之。

太陽病。脈浮緊。發熱。身無汗。自衄者愈。
二陽併病。太陽初得病時。發其汗。汗先出不徹。因轉屬陽明。續自微汗出。不惡寒。若太陽病證不罷者。不可下。下之為逆。如此可小發汗。設面色緣緣正赤者。陽氣怫鬱在表。當解之。熏之。若發汗不徹。不足言陽氣怫鬱。不得越。當汗不汗。其人躁煩。不知痛處。乍在腹中。乍在四肢。按之不可得。其人短氣。但坐。以汗出不徹故也。更發

汗則愈何以知汗出不徹以脈滿故知也

脈浮數者法當汗出而愈若下之身重心悸者不可發汗當自汗出乃解所以然者尺中脈微此裏虛須表裏實津液自和便自汗出愈

脈浮緊者法當身疼痛宜以汗解之假令尺中遲者不可發汗何以知然以榮氣不足血少故也

脈浮者病在表可發汗宜麻黃湯

脈浮而數者可發汗宜麻黃湯
病常自汗出者此為榮氣和榮氣和者外不諧以衛氣不共榮氣諧和故爾以榮行脈中衛行脈外復發其汗榮衛和則愈宜桂枝湯

病人藏無他病時發熱自汗出而不愈者此衛氣不和也先其時發汗則愈宜桂枝湯

傷寒脈浮緊不發汗因致衄者麻黃湯主之

傷寒不大便六七日頭痛有熱者與承氣湯其小便清者知不在裏仍在表也當須發汗若頭痛者必衄宜桂枝湯

傷寒發汗已解半日許復煩脈浮數者可更發汗宜桂枝湯

凡病若發汗若吐若下若亡津液陰陽自和者必自愈大下之後復發汗小便不利者上津液故也勿治之得小便利必自愈

下之後復發汗必振寒脉微細所以然者以内外但虛故也

下之後復發汗晝日煩躁不得眠夜而安靜不嘔不渴無表證脉沉微身無大熱者乾薑附子湯主之

乾薑 一兩

附子

一枚生用去皮切八片

右二味以水三升煮取一升去滓頓服

發汗後身疼痛脉沈遲者桂枝加芍藥生薑各一兩人參三兩新加湯主之

桂枝 二兩去皮

芍藥 四兩

甘草 二兩炙

人參 三兩

大棗

十二枚擘

生薑

四兩

右六味以水一斗二升煮取三升去滓温服一升

發汗後不可更行桂枝湯汗出而喘無大熱者可與麻黃杏仁甘草石膏湯

麻黃

四兩去節

杏仁

五十箇去皮尖

甘草

二兩炙

石膏

半斤碎綿裹

右四味以水七升煮麻黃減二升去上沫内諸藥煮取二升去滓温服一升

發汗過多其人叉手自冒心心下悸欲得按者桂枝甘草湯主之

桂枝

四兩去皮

甘草

二兩炙

右二味以水三升煮取一升去滓頓服

發汗後其人臍下悸者欲作奔豚茯苓桂枝甘草大棗

湯主之

茯苓 半斤

桂枝 四兩 去皮

甘草 二兩 炙

大棗 十五枚 擘

右四味以甘爛水一斗先煮茯苓減二升內諸藥煮

取三升去滓溫服一升日三服作甘爛水法取水二

斗置大盆內以杓揚之水上有珠子五六千顆相逐

取用之

發汗後腹脹滿者厚朴生薑半夏甘草人參湯主之

厚朴 半斤 去皮

生薑 半斤 切

半夏 半升 洗

甘草 二兩

人參 一兩

右五味以水一斗煮取三升去滓溫服一升日三服

傷寒若吐若下後心下逆滿氣上衝胃起則頭眩脈沈

緊發汗則動經身為振振搖者茯苓桂枝白朮甘草湯主之

茯苓 四兩

桂枝 三兩 去皮

白朮

甘草 各二兩 炙

右四味以水六升煮取三升去滓分溫三服

發汗病不解反惡寒者虛故也芍藥甘草附子湯主之

芍藥

甘草 各三兩 炙

附子

一枚 炮去皮 破八片

右三味以水五升煮取一升五合去滓分溫三服疑

非仲景方

發汗若下之病仍不解煩躁者茯苓四逆湯主之

茯苓 四兩

人參 一兩

附子

一枚 生用去皮 破八片

甘草 二兩 炙

乾薑 半兩

疑非仲景方
五字後人所
加當刪本

右五味以水五升。煮取三升。去滓。溫服。七合。日二服。發汗後惡寒者。虛故也。不惡寒。但熱者。實也。當和胃氣。與調胃承氣湯。玉函云。與小承氣湯。

芒消 半升

甘草 二兩

大黃 四兩。去皮。清酒洗。

右三味。以水三升。煮取一升。去滓。內芒消。更煮。兩沸。頓服。

太陽病。發汗後。大汗出。胃中乾。煩躁。不得眠。欲得飲水者。少少與飲之。令胃氣和。則愈。若脈浮。小便不利。微熱。消渴者。五苓散主之。

猪苓 十八銖。去皮。

澤瀉 一兩。六銖。

白朮 十八銖。

茯苓 十八銖。

桂枝 半兩。去皮。



右五味。搗為散。以白飲和服。方寸匕。日三服。多飲煖水。汗出。愈。如法將息。

發汗已。脈浮數。煩渴者。五苓散主之。

傷寒。汗出而渴者。五苓散主之。不渴者。茯苓甘草湯主之。

茯苓 二兩

桂枝 二兩。去皮。

甘草 一兩。炙。

生薑 三兩。切。

右四味。以水四升。煮取二升。去滓。分溫三服。

中風發熱。六七日不解。而煩。有表裏證。渴欲飲水。水入則吐者。名曰水逆。五苓散主之。

未持脈時。病人手叉自冒心。師因教試。令熉而不熉者。此必兩耳聾。無聞也。所以然者。以重發汗。虛故如此。

成本二兩作
二刃其他兩
皆作刃

原本此章與前章併非

校正傷寒論卷之三

發汗後飲水多必喘以水灌之亦喘

發汗後水藥不得入口為逆若更發汗必吐下不止發

汗吐下後虛煩不得眠若劇者必反覆顛倒音到心中

懊懣上烏浩下奴冬切下同梔子豉湯主之若少氣者梔子甘草

豉湯主之若嘔者梔子生薑豉湯主之

梔子豉湯方

梔子十四箇擘 香豉四合綿裹

右二味以水四升先煮梔子得二升半內豉煮取一升半去滓分為二服溫進一服得吐者止後服

梔子甘草豉湯方

梔子十四箇擘 甘草二兩炙 香豉四合綿裹

右三味以水四升先煮梔子甘草取二升半內豉煮

取一升半去滓分為二服溫進一服得吐者止後服

梔子生薑豉湯方

梔子十四箇擘 生薑五兩 香豉四合綿裹

右三味以水四升先煮梔子生薑取二升半內豉煮

取一升半去滓分為二服溫進一服得吐者止後服

發汗若下之而煩熱胃中窒者梔子豉湯主之

傷寒五六日大下之後身熱不去心中結痛者未欲解

也梔子豉湯主之

傷寒下後心煩腹滿臥起不安者梔子厚朴湯主之

梔子十四箇擘 厚朴四兩去皮 枳實四枚浸水

校正傷寒論卷之三

右三味以水三升半。煮取一升半。去滓。分二服。溫進。一服得吐者。止後服。
傷寒醫以丸藥。大下之。身熱不去。微煩者。梔子乾薑湯主之。

梔子十四箇 乾薑一兩

右二味以水三升半。煮取一升半。去滓。分二服。溫進。一服得吐者。止後服。凡用梔子湯。病人舊微溏者。不可與服之。

太陽病發汗。汗出不解。其人仍發熱。心下悸。頭眩。身瞤動。振振欲擗一作地者。真武湯主之。
咽喉乾燥者。不可發汗。

原本凡用梔子湯以下別為一章非

淋家不可發汗。發汗必便血。瘡家雖身疼痛。不可發汗。汗出則痊。

衄家不可發汗。汗出必額上陷。脈急緊。直視。不能目眴。
音喚。又胡絹切。下同。一作瞬。不得眠。

亡血家不可發汗。發汗則寒慄而振。

汗家重發汗。必恍惚心亂。小便已。陰疼。與禹餘糧丸。
病人有寒。復發汗。胃中冷。必吐蚘。
逆一作

本發汗而復下之。此為逆也。若先發汗。治不為逆。本先下之。而反汗之。為逆。若先下之。治不為逆。

傷寒醫下之。續得下利。清穀不止。身疼痛者。急當救裏。後身疼痛。清便自調者。急當救表。救裏宜四逆湯。救表

此章成無忌之註不穩疑錯誤

宜桂枝湯

病發熱頭痛。脈反沈。若不差。身體疼痛。當救其裏。宜四逆湯。

太陽病。先下而不愈。因復發汗。以此表裏俱虛。其人因致冒。冒家汗出自愈。所以然者。汗出表和故也。裏未和。然後復下之。

太陽病未解。脈陰陽俱停。一作必先振慄汗出而解。但

陽脈微者。先汗出而解。但陰脈微。一作尺者。下之而解。

若欲下之。宜調胃承氣湯。柴胡湯。柴胡湯。

太陽病發熱汗出者。此為榮弱衛強。故使汗出。欲救邪風者。宜桂枝湯。

傷寒五六日。中風。往來寒熱。胸脅苦滿。嘿嘿不欲飲食。心煩喜嘔。或胃中煩而不嘔。或渴。或腹中痛。或脅下痞。或心下悸。小便不利。或不渴。身有微熱。或欬者。小柴胡湯主之。

柴胡 半斤 黃芩 三兩 人參 三兩 半夏 半升

甘草 炙 生薑 各三兩 切 大棗 十二枚 擘

右七味。以水一斗二升。煮取六升。去滓。再煎。取三升。溫服一升。日三服。若胃中煩而不嘔者。去半夏。人參。加栝樓實一枚。若渴。去半夏。加人參。合前成四兩半。栝樓根四兩。若腹中痛者。去黃芩。加芍藥三兩。若脅下痞。去大棗。加牡蠣四兩。若心下悸。小便不利者。

去黃芩加茯苓四兩若不渴外有微熱者去人參加桂枝三兩溫覆微汗愈若欬者去人參大棗生薑加五味子半升乾薑二兩

血弱氣盡滕理開邪氣因入與正氣相搏結於脅下正邪分爭往來寒熱休作有時嘿嘿不欲飲食藏府相連其痛必下邪高痛下故使嘔也病必下脅兩中痛小柴胡湯主之服柴胡湯已渴者屬陽明以法治之

得病六七日脈遲浮弱惡風寒手足溫醫二三下之不能食而脅下滿痛面目及身黃頸項強小便黃者與柴胡湯後必下重本渴飲水而嘔者柴胡湯不中與也食穀者噦

傷寒四五日身熱惡風頸項強脅下滿手足溫而渴者

小柴胡湯主之

傷寒陽脈瀋陰脈弦法當腹中急痛先與小建中湯不差者小柴胡湯主之

小建中湯方

桂枝三兩 去皮

甘草二兩 炙

大棗十二枚 擘

芍藥六兩

生薑三兩 切

膠飴一升

右六味以水七升煮取三升去滓內飴更上微火消解溫服一升日三服嘔家不可用建中湯以甜故也傷寒中風有柴胡證但見一證便是不必悉具凡柴胡湯病證而下之若柴胡證不罷者復與柴胡湯必蒸蒸

而振却復發熱汗出而解

傷寒二三日心中悸而煩者小建中湯主之

太陽病過經十餘日反二三下之後四五日柴胡證仍

在者先與小柴胡嘔不止心下急一云嘔止小安鬱鬱微煩者

為未解也與大柴胡湯下之則愈

柴胡 半斤 黃芩 三兩 芍藥 二兩 半夏 半升

生薑 五兩 枳實 四枚 大棗 十二枚

右七味以水一斗二升煮取六升去滓再煎溫服一

升日三服一方加大黃二兩若不加恐不為大柴胡

湯

傷寒十三日不解。脅脅滿而嘔。日晡所發潮熱已而微

果許叔微本
車方大柴胡
湯有大黃半
而且方下曰
伊尹湯液論
大柴胡湯大
黃同姜棗八
味今監本無
脫之也由此
觀之有大黃
為是且皇甫
謐謂張仲景
論廣湯液論
為傷寒論者
益審矣

利此本柴胡證下之而不得利今反利者知醫以丸藥

下之非其治也潮熱者實也先宜服小柴胡湯以解外

後以柴胡加芒消湯主之

柴胡 二兩 黃芩 一兩 人參 一兩

甘草 一兩 生薑 一兩 半夏 二十枚

大棗 四枚 芒消 二兩

右八味以水四升煮取二升去滓內芒消更煮微沸

分溫再服不解更作臣億等謹按金匱玉函方中無

消二合。大黃四兩。桑螵蛸五枚。煮取一升半。服五合。

微下。即愈。本云柴胡再服以解其外。餘二升加芒消。

傷寒十三日不解。過經譫語者以有熱也當以湯下之

本文審云柴
胡加芒消湯
則小柴胡湯
加芒消者也
復何疑此註
不足取

若小便利者大便當鞭而反下利。脈調和者知醫以丸藥下之非其治也。若自下利者脈當微厥。今反和者此為內寬也。調胃承氣湯主之。

太陽病不解熱結膀胱其人如狂。血自下下者愈。其外不解者尚未可攻。當先解其外。外解已但少腹急結者乃可攻之。宜桃核承氣湯。

桃仁

五十箇
去皮尖

大黃 四兩

桂枝

二兩
去皮

甘草

二兩

芒消

二兩

右五味以水七升煮取二升半去滓。內芒消更上火微沸下火。先食溫服五合。日三服。當微利。傷寒八九日下之。胃滿煩驚。小便不利。讖語。一身盡重。

是亦據本文
病證則大柴
胡湯加龍骨
牡蠣者審矣
原方係偽製

不可轉側者。柴胡加龍骨牡蠣湯主之。

柴胡

四兩

龍骨

黃芩

生薑

切

枳實

人參

桂枝

去皮

茯苓

各一兩半

半夏

二合
半洗

大黃

二兩

牡蠣

一兩
半熬

大棗

六枚
擘

右十二味以水八升煮取四升。內大黃切如碁子。更煮一兩沸去滓。溫服一升。本云柴胡湯。今加龍骨等傷寒。腹滿讖語。寸口脈浮而緊。此肝乘脾也。名曰縱刺。

期門

傷寒發熱。嗇嗇惡寒。大渴欲飲水。其腹必滿。自汗出。小便利。其病欲解。此肝乘肺也。名曰橫刺。期門。

太陽病二日。反躁。反熨其背。而大汗出。大熱入胃。一日

其汗二字疑衍文

內燒瓦熨背大胃中水竭躁煩必發讞語十餘日振慄
汗出火氣入胃中水竭躁煩必發讞語十餘日振慄
自下利者此為欲解也故其汗從腰以下不得汗欲小
便不得反嘔欲失溲足下惡風大便鞭小便當數而反
不數及不多大便已頭卓然而痛其人足心必熱穀氣
下流故也
太陽病中風以火劫發汗邪風被火熱血氣流溢失其
常度而陽相熏灼其身發黃陽盛則欲衄陰虛小便難
陰陽俱虛竭身體則枯燥但頭汗出劑頸而還腹滿微
喘口乾咽爛或不大便久則讞語甚者至噦手足躁擾
捻衣摸床小便利者其人可治
傷寒脈浮醫以火迫劫之亡陽必驚狂臥起不安者桂

枝去芍藥加蜀漆牡蠣龍骨救逆湯主之

桂枝三兩 去皮

甘草二兩 炙

生薑三兩 切

大棗十二枚 擘

牡蠣五兩 熬

蜀漆三兩 洗 去腥

龍骨四兩

右七味以水一斗二升先煮蜀漆減二升內諸藥煮

取三升去滓溫服一升本云桂枝湯今去芍藥加蜀

漆牡蠣龍骨

形作傷寒其脈不弦緊而弱弱者必渴被火必讞語弱
者發熱脈浮解之當汗出愈

太陽病以火熏之不得汗其人必躁到經不解必清血
名為火邪

脈浮熱甚而反灸之此為實實以虛治因火而動必咽

到經二字疑

交正易美論 卷之三

燥吐血

微數之脈慎不可灸因火為邪則為煩逆追虛逐實血散脈中火氣雖微內攻有力焦骨傷筋血難復也脈浮宜以汗解用火灸之邪無從出因火而盛病從腰以下必重而痺名火逆也

欲自解者必當先煩乃有汗而解何以知之脈浮故知汗出解

燒針令其汗針處被寒挾起而赤者必發奔豚氣從少腹上衝心者多其挾上各一壯與桂枝加桂湯更加桂二兩也

桂枝五兩 去皮 芍藥三兩 生薑三兩 切 甘草二兩 炙

原本此章與前章併非今分之

大棗十二枚

右五味以水七升煮取三升去滓溫服一升本云桂枝湯今加桂五兩所以加桂者以能泄奔豚氣也

火逆下之因燒針煩躁者桂枝甘草龍骨牡蠣湯主之

桂枝一兩 去皮 甘草二兩 炙 牡蠣二兩 熬 龍骨二兩

右四味以水五升煮取二升半去滓溫服八合日三服

太陽傷寒者加溫針必驚也

太陽病當惡寒發熱今自汗出反不惡寒發熱關上脈細數者以醫吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫

吐之所致也。此為小逆。

太陽病吐之。但太陽病當惡寒。今反不惡寒。不欲近衣。此為吐之內煩也。

病人脈數。數為熱。當消穀引食。而反吐者。此以發汗令陽氣微。膈氣虛。脈乃數也。數為客熱。不能消穀。以胃中虛冷。故吐也。

太陽病。過經十餘日。心下溫溫欲吐。而胃中痛。大便反澹。腹微滿。鬱鬱微煩。先此時自極吐下者。與調胃承氣湯。若不爾者。不可與。但欲嘔。胃中痛。微澹者。此非柴胡湯證。以嘔故知極吐下也。

太陽病六七日。表證仍在。脈微而沈。反不結實。其人發

狂者。以熱在下焦。少腹當鞭滿。小便自利者。下血乃愈。所以然者。以太陽隨經。瘀熱在裏故也。抵當湯主之。

水蛭熬 蝱蟲各三十箇 去翅足熬 桃仁二十箇 去皮尖

大黃三兩 酒洗

右四味以水五升。煮取三升。去滓。溫服一升。不下更服。

太陽病。身黃。脈沈結。少腹鞭。小便不利者。為無血也。小便自利。其人如狂者。血證諦也。抵當湯主之。

傷寒有熱。少腹滿。應小便不利。今反利者。為有血也。當下之。不可餘藥。宜抵當丸。

水蛭二十箇 熬 蝱蟲二十箇 去翅足熬 桃仁二十五箇 去皮尖

大黃 三兩

右四味。搗分四丸。以水一升。煮一丸。取七合。服之。時當下血。若不下者。更服。

太陽病。小便利者。以飲水多。必心下悸。小便少者。必苦裏急也。

大日本

尾張

淺野徽元甫校

校正傷寒論卷之三

校正傷寒論卷之四

原方三十首
今除重複得
二十六首

辨大陽病脉證并治下第七

合三十九法方三十首并見太陽少陽合病法

問曰。病有結胃。有藏結。其狀何如。答曰。按之痛。寸脉浮。

關脉沈。名曰結胃也。何謂藏結。答曰。如結胃狀。飲食如

故。時時下利。寸脉浮。關脉小細沈緊。名曰藏結。舌上白

胎滑者難治。

藏結無陽證。不往來寒熱。云寒而不熱其人反靜。舌上胎滑

者不可攻也。

病發於陽。而反下之。熱入。因作結胃。病發於陰。而反下

之。因作痞也。所以成結胃者。以下之太早故也。

結胃者。項亦強。如柔瘕狀。下之則和。宜大陷胃丸。

大黃半斤 葶藶子半升 芒消半升

杏仁半升 去皮尖熬黑

右四味搗篩二味內杏仁芒消合研如脂和散取如彈丸一枚別搗甘遂末一錢匕白蜜二合水二升煮取一升溫頓服之一宿乃下如不下更服取下為效

禁如藥法

結胃證其脉浮大者不可下下之則死

結胃證悉具煩躁者亦死

太陽病脉浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣

躁煩心中懊懣陽氣內陷心下因鞅則為結胃大陷胃湯主之若不結胃但頭汗出餘處無汗劑頸而還小便不利身必發黃也大陷胃湯

大黃六兩 芒消一升 甘遂一錢

右三味以水六升先煮大黃取二升去滓內芒消煮一兩沸內甘遂末溫服一升得快利止後服

傷寒六七日結胃熱實脉沈而緊心下痛按之石鞭者大陷胃湯主之

傷寒十餘日熱結在裏復往來寒熱者與大柴胡湯但結胃無大熱者此為水結在胃脅也但頭微汗出者大陷胃湯主之

成本無七字

太陽病重發汗而後下之不大便五六日舌上燥而渴日晡所小有潮熱一云日晡所發心胃大煩從心下至少腹鞭滿而痛不可近者大陷胃湯主之

小結胃病正在心下按之則痛脉浮滑者小陷胃湯主之

黃連 一兩

半夏 半升

栝樓實 大者一枚

右三味以水六升先煮栝樓取三升去滓內諸藥煮取二升去滓分溫三服

太陽病二三日不能臥但欲起心下必結脉微弱者此本有寒分也反下之若利止必作結胃未止者四日復下之此作協熱利也

分字發誤

太陽病下之其脉促縱一作不結胃者此為欲解也脉浮

者必結胃脉緊者必咽痛脉弦者必兩脅拘急脉細數者頭痛未止脉沈緊者必欲嘔脉沈滑者協熱利脉浮滑者必下血

病在陽應以汗解之反以冷水溲之若灌之其熱被劫不得去彌更益煩肉上粟起意欲飲水反不渴者服文蛤散若不差者與五苓散寒實結胃無熱證者與三物小陷胃湯白散亦可服一云與三物

文蛤散

文蛤 兩五

右一味為散以沸湯和一方寸七服湯用五合

原本白散亦可服五字為一章非

白散

桔梗三分 巴豆一分。去皮心。煎黑。研如脂。貝母三分

右三味為散。內巴豆更於臼中杵之。以白飲和服。強人半錢匕。羸者減之。病在膈上必吐。在膈下必利。不利進熱粥一杯。利過不止。進冷粥一杯。身熱皮粟不解。欲引衣自覆者。若以水濕之洗之。益令熱劫不得出。當汗而不汗則煩。假令汗出已。腹中痛與芍藥三兩。如上法。

太陽與少陽併病。頭項強痛。或眩冒。時如結胸。心下痞鞭者。當刺太椎第一間。肺俞。肝俞。慎不可發汗。發汗則讖語。脉弦五日讖語不止。當刺期門。

身熱以下文理不明。疑誤。脫成本亦同。

成本取作写

婦人中風。發熱惡寒。經水適來。得之七八日。熱除而脉遲。身涼。脅下滿。如結胸狀。讖語者。此為熱入血室也。當刺期門。隨其實而取之。

婦人中風七八日。續得寒熱。發作有時。經水適斷者。此為熱入血室。其血必結。故使如瘧狀。發作有時。小柴胡湯主之。婦人傷寒發熱。經水適來。晝日明了。暮則讖語。如見鬼狀者。此為熱入血室。無犯胃氣及上二焦。必自愈。傷寒六七日。發熱微惡寒。支節煩疼。微嘔。心下支結。外證未去者。柴胡桂枝湯主之。

桂枝去皮 黃芩一兩 人參一兩 甘草一兩

半夏二合 柴胡四兩

芍藥半兩

大棗六枚

生薑一兩半切

本云以下不可說也疑誤脫成本此段無

右九味以水七升煮取三升去滓温服一升本云人參湯作如桂枝法加半夏柴胡黃芩復如柴胡法今用人參作半劑

傷寒五六日已發汗而復下之胃脅滿微結小便不利

渴而不嘔但頭汗出往來寒熱心煩者此為未解也柴

胡桂枝乾薑湯主之

柴胡半斤

桂枝三兩去皮

乾薑二兩

栝樓根四兩

黃芩三兩

牡蠣二兩熬

甘草二兩炙

右七味以水一斗二升煮取六升去滓再煎取三升

成本乾姜牡蠣共作三兩

温服一升日三服初服微煩復服汗出便愈

傷寒五六日頭汗出微惡寒手足冷心下滿口不欲食

大便鞭脉細者此為陽微結必有表復有裏也脉沈亦

在裏也汗出為陽微假令純陰結不得復有外證悉入

在裏此為半在裏半在外也脉雖沈緊不得為少陰病

所以然者陰不得有汗今頭汗出故知非少陰也可與

小柴胡湯設不了了者得屎而解

傷寒五六日嘔而發熱者柴胡湯證具而以他藥下之

柴胡證仍在者復與柴胡湯此雖已下之不為逆必蒸

蒸而振却發熱汗出而解若心下滿而鞭痛者此為結

胃也大陷胃湯主之但滿而不痛者此為痞柴胡不中

與之宜半夏瀉心湯

半夏洗半升

黃芩

乾薑

人參

甘草炙各三兩

黃連一兩

大棗十二枚

擘

右七味以水一斗煮取六升去滓再煎取三升温服

一升日三服一方用半夏一升

太陽少陽併病而反下之成結胃心下鞭下利不止水

漿不下其人心煩

脉浮而緊而復下之緊反入裏則作痞按之自濡但氣

痞耳

太陽中風下利嘔逆表解者乃可攻之其人熱熱汗出

發作有時頭痛心下痞鞭滿引脅下痛乾嘔短氣汗出

不惡寒者此表解裏未和也十棗湯主之

芫花熬

甘遂

大戟

右三味等分各別搗為散以水一升半先煮大棗肥

者十枚取八合去滓內藥末強人服一錢匕羸人服

半錢温服之平且服若下少病不除者明日更服加

半錢得快下利後糜粥自養

太陽病醫發汗遂發熱惡寒因復下之心下痞表裏俱

虛陰陽氣並竭無陽則陰獨復加燒針因胃煩面色青

黃膚暈者難治今色微黃手足温者易愈

心下痞按之濡其脉關上浮者大黃黃連瀉心湯主之

大黃二兩

黃連一兩

温服之平且服六字疑錯誤

校正高麗吳倫 卷之四

病不可忍者也若強忍之則輕變重二則死故聖人教醫救之今云忍之一

右二味以麻沸湯二升漬之須臾絞去滓分温再服。
臣億等看詳太黃黃連瀉心湯諸本皆二味又後附子瀉心湯用大黃黃連黃芩附子恐是前方中亦有黃芩後但加附子也故後云云附子瀉心湯本云加附子也。

大黃 二兩 黃連 一兩 黃芩 一兩

附子 二枚炮去皮破別煮取汁

右四味切。三味以麻沸湯二升漬之。須臾絞去滓。內附子汁。分温再服。

本以下之。故心下痞。與瀉心湯痞不解。其人渴而口燥煩。小便不利者。五苓散主之。一方云忍之一日乃愈。傷寒汗出解之後。胃中不和。心下痞鞭。乾噫食臭。脅下

日乃愈者吾不知何謂是豈仲景叔和之語哉成本亦載之然則自宋板校正以前有之也因知通編之傷章不止叔和後人之所加亦多矣說載特解本云以下四十五字不可說也成本無

有水氣。腹中雷鳴下利者。生薑瀉心湯主之。

生薑 四兩 甘草 二兩 人參 三兩 乾薑 一兩

黃芩 二兩 半夏 半升 黃連 一兩 大棗 十二枚擘

右八味以水一斗煮取六升去滓再煎取三升温服。

一升日三服。附子瀉心湯。本云加附子半夏瀉心湯。甘草瀉心湯。同體別名耳。生薑瀉心湯。本云理中人參黃芩湯。去桂枝木加黃連并瀉肝法。

傷寒中風醫反下之。其人下利日數十行。穀不化。腹中雷鳴。心下痞鞭而滿。乾嘔心煩不得安。醫見心下痞。謂病不盡復下之。其痞益甚。此非結熱。但以胃中虛客氣上逆。故使鞭也。甘草瀉心湯主之。

甘草四兩

黃芩三兩

乾薑三兩

半夏半升

大棗十二枚

黃連一兩

右六味以水一斗。煮取六升。去滓。再煎。取三升。溫服。

一升。日三服。

臣億等謹按。上生薑。瀉心湯法。本云。理中人參黃芩湯。今詳瀉心以療痞痞。痞氣因發陰而生。是半夏生薑甘草瀉心三方皆本於理中也。其方必各有入參。今甘草瀉心中無者。脫落之也。又按千金并外臺秘要。治傷寒。蠶食用此方。皆有人參。知脫落無疑。

傷寒服湯藥。下利不止。心下痞鞭。服瀉心湯已。復以他藥下之。利不止。醫以理中與之。利益甚。理中者。理中焦。此利在下焦。赤石脂禹餘糧湯主之。復不止者。當利其小便。赤石脂禹餘糧湯。

赤石脂一斤

太一禹餘糧一斤

代赭石湯
成本作旋復

右二味以水六升。煮取二升。去滓。分溫三服。傷寒吐下後。發汗。虛煩。脈甚微。八九日。心下痞鞭。脅下痛。氣上衝。咽喉眩冒。絛脈動。惕者。久而成痿。傷寒發汗。若吐。若下。解後。心下痞鞭。噫氣不除者。旋復代赭湯主之。

旋復花三兩

人參二兩

生薑五兩

代赭一兩

甘草三兩

半夏半升

大棗十二枚

右七味以水一斗。煮取六升。去滓。再煎。取三升。溫服。一升。日三服。

下後不可更行桂枝湯。若汗出而喘。無大熱者。可與麻黃杏子甘草石膏湯。

校正易經論
卷之四

太陽病外證未除而數下之遂協熱而利利下不止心下痞鞭表裏不解者桂枝人參湯主之

桂枝四兩 別切 甘草四兩 炙 白朮三兩 人參三兩 乾薑三兩

右五味以水九升先煮四味取五升內桂更煮取三升去滓溫服一升日再夜一服

傷寒大下後復發汗心下痞惡寒者表未解也不可攻痞當先解表表解乃可攻痞解表宜桂枝湯攻痞宜大黃黃連瀉心湯

傷寒發熱汗出不解心中痞鞭嘔吐而下利者大柴胡湯主之

病如桂枝證頭不痛項不强寸脉微浮胃中痞鞭氣上衝喉咽不得息者此為胃有寒也當吐之宜瓜蒂散

瓜蒂一分 熬黃 赤小豆一分

右二味各別搗篩為散已合治之取一錢匕以香豉一合用熱湯七合煮作稀糜去滓取汁和散溫頓服之不吐者少少加得快吐乃止諸亡血虛家不可與

瓜蒂散

病脅下素有痞連在臍傍痛引少腹入陰筋者此名藏結死

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人

白虎加人參湯

參湯主之

知母 六兩

石膏 一斤

甘草 二兩

人參 二兩

粳米 六合

右五味以水一斗。煮米熟湯成。去滓。溫服一升。日三服。此方立夏後。立秋前。乃可服。立秋後。不可服。正月。二月。三月。尚凜冷。亦不可與服之。與之。則嘔利。而腹痛。諸亡血虛家。亦不可與。得之。則腹痛利。者。但可溫之。當愈。

傷寒。無大熱。口燥渴。心煩。背微惡寒者。白虎加人參湯主之。

傷寒。脈浮。發熱無汗。其表不解者。不可與白虎湯。渴欲

此方以下後人之所加不足取也當削去

飲水無表證者。白虎加人參湯主之。

太陽少陽併病。心下鞕。頸項強。而眩者。當刺大椎肺俞肝俞。慎勿下之。

太陽與少陽合病。自下利者。與黃芩湯。若嘔者。黃芩加半夏生薑湯主之。

黃芩湯

黃芩 三兩

芍藥 二兩

甘草 二兩

大棗 十二枚

右四味。以水一斗。煮取三升。去滓。溫服一升。日再夜一服。

黃芩加半夏生薑湯

黃芩 二兩

芍藥 二兩

甘草 二兩

大棗 十二枚

半夏半升

生薑一兩半

右六味以水一斗。煮取三升。去滓。温服一升。日再夜

一服

傷寒。胃中有熱。胃中有邪氣。腹中痛。欲嘔吐者。黃連湯主之。

黃連三兩

甘草三兩

乾薑三兩

桂枝三兩

人參二兩

半夏半升

大棗十二枚

右七味以水一斗。煮取六升。去滓。温服。晝三夜二。疑

非仲景方。

傷寒八九日。風濕相搏。身體疼煩。不能自轉側。不嘔不渴。脉浮虛而澹者。桂枝附子湯主之。若其人大便秘云。

疑非仲景方
五字成本無
當削去

一云脐下心
下鞭七字成

本無

脐下心下鞭小便自利者。去桂加白朮湯主之。

桂枝附子湯

桂枝四兩

附子三枚

生薑三兩

大棗十二枚

甘草二兩

右五味以水六升。煮取二升。去滓。分温三服。

去桂加白朮湯

附子三枚

白朮四兩

生薑三兩

甘草二兩

大棗十二枚

右五味以水六升。煮取二升。去滓。分温三服。初一服

其人身如痺。半日許復服之。三服都盡。其人如冒狀。勿怪。此以附子朮併走皮內。逐水氣未得除。故使之

初一服以下
成本無後人
之所加也當
削去

耳法當加桂四兩此本一方二法以大便鞭小便自利去桂也以大便不鞭小便不利當加桂附子三枚恐多也虛弱家及產婦宜減服之

風濕相搏骨節疼煩掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之

甘草 二兩

附子 二枚炮

白朮 二兩

桂枝 四兩

右四味以水六升煮取三升去滓溫服一升日三服初服得微汗則解能食汗止復煩者將服五合恐一升多者宜服六七合為妙

成本以字無

傷寒脈浮滑此以表有熱裏有寒白虎湯主之

知母 六兩

石膏 一斤

甘草 二兩

粳米 六合

右四味以水一斗煮米熟湯成去滓溫服一升日三

服臣億等謹按前篇云熱結在裏表裏俱熱者白虎湯主之又云其表不解不可與白虎湯此云脈浮

滑表有熱裏有寒者必表裏字差矣又陽明一證云脈浮遲表熱裏寒四逆湯主之又少陰一證云裏寒外熱通脈四逆湯主之以此表裏自差明矣千金翼云白通湯非也

傷寒脈結代心動悸炙甘草湯主之

甘草 四兩

生薑 三兩

人參 二兩

生地黄 一斤

桂枝 三兩

阿膠 二兩

麥門冬 半升

麻仁 半升

大棗 三十枚

右九味以清酒七升水八升先煮八味取三升去滓

內膠烱消盡温服一升日三服一名復脈湯

脈按之來緩時一止復來者名曰結又脈來動而中止更來小數中有還者反動名曰結陰也脈來動而中止不能自還因而復動者名曰代陰也得此脈者必難治

大日本

尾張

淺野徽元甫校

校正傷寒論卷之四

校正傷寒論卷之五

原方二十首
今除重複得
八首

煩字可疑然
或本亦有

辨陽明病脈證并治第八合四十四法方二十一方
附并見陽明少陽合病法

問曰病有大陽陽明有正陽陽明有少陽陽明何謂也

答曰太陽陽明者脾約是也正陽陽明者胃家實是也

少陽陽明者發汗利小便已胃中燥煩實大便難是也

陽明之為病胃家實是也

問曰何緣得陽明病答曰太陽病若發汗若下若利小

便此亡津液胃中乾燥因轉屬陽明不更衣內實大便

難者此名陽明也

問曰陽明病外證云何答曰身熱汗自出不惡寒反惡

熱也

問曰。病有得之一日。不發熱而惡寒者何也。答曰。雖得之一日。惡寒將自罷。卽自汗出而惡熱也。

問曰。惡寒何故自罷。答曰。陽明居中主土也。萬物所歸。無所復傳。始雖惡寒。二日自止。此爲陽明病也。

本太陽初得病時。發其汗。汗先出不徹。因轉屬陽明也。傷寒發熱無汗。嘔不能食。而反汗出濇濇然者。是轉屬陽明也。

傷寒三日。陽明脈大。

傷寒脈浮而緩。手足自溫者。是爲繫在太陰。太陰者。身當發黃。若小便自利者。不能發黃。至七八日。大便鞭者。爲陽明病也。

傷寒轉繫陽明者。其人濇然微汗出也。

陽明中風。口苦咽乾。腹滿微喘。發熱惡寒。脈浮而緊。若下之。則腹滿小便難也。

陽明病。若能食名中風。不能食名中寒。

陽明病。若中寒者。不能食。小便不利。手足濇然汗出。此欲作固瘕。必大便初鞭後溏。所以然者。以胃中冷水穀不別故也。

陽明病。初欲食。小便反不利。大便自調。其人骨節疼。翕翕如有熱狀。奄然發狂。濇然汗出而解者。此水不勝穀氣與汗共并。脈緊則愈。

陽明病欲解時。從申至戌上。

陽明病不能食攻其熱必噦所以然者胃中虛冷故也
以其人本虛攻其熱必噦

陽明病脈遲食難用飽飽則微煩頭眩必小便難此欲
作穀瘴雖下之腹滿如故所以然者脈遲故也

陽明病法多汗反無汗其身如蟲行皮中狀者此以久
虛故也

陽明病反無汗而小便利二三日嘔而欬手足厥者必
苦頭痛若不欬不嘔手足不厥者頭不痛

陽明病但頭眩不惡寒故能食而欬其人咽必痛若不
欬者咽不痛

陽明病無汗小便不利心中懊懣者身必發黃

陽明病被火額上微汗出而小便不利者必發黃

陽明病脈浮而緊者必潮熱發作有時但浮者必盜汗
出

陽明病口燥但欲漱水不欲嚥者此必衄

陽明病本自汗出醫更重發汗病已差尚微煩不了了
者此必大便鞅故也以亡津液胃中乾燥故令大便鞅
當問其小便日幾行若本小便日三四行今日再行故
知大便不久出今為小便數少以津液當還入胃中故
知不久必大便也

傷寒嘔多雖有陽明證不可攻之

陽明病心下鞭滿者不可攻之攻之利遂不止者死利

止者愈

陽明病。面合赤色。不可攻之。必發熱。色黃者。小便不利也。

陽明病。不吐不下。心煩者。可與調胃承氣湯。

陽明病。脈遲。雖汗出不惡寒者。其身必重。短氣。腹滿而喘。有潮熱者。此外欲解。可攻裏也。手足濇然汗出者。此大便已鞕也。大承氣湯主之。若汗多。微發熱。惡寒者。外未解也。其熱不潮。未可與承氣湯。若腹大滿不通者。可與小承氣湯。微和胃氣。勿令至大泄下。大承氣湯。

大黃

四兩酒洗

厚朴

半斤炙去皮

枳實

五枚炙

芒消

三合

右四味。以水一斗。先煮二物。取五升。去滓。內大黃。更

成本至字無

煮取二升。去滓。內芒消。更上微火。一兩沸。分溫再服。得下。餘勿服。

小承氣湯

大黃

四兩

厚朴

二兩炙去皮

枳實

三枚大者炙

右三味。以水四升。煮取一升二合。去滓。分溫二服。初服湯。當更衣。不爾者。盡飲之。若更衣者。勿服之。

陽明病。潮熱。大便微鞕者。可與大承氣湯。不鞕者。不可與之。若不大便六七日。恐有燥屎。欲知之法。少與小承氣湯。湯入腹中。轉失氣者。此有燥屎也。乃可攻之。若不轉失氣者。此但初頭鞕。後必溏。不可攻之。攻之必脹滿。不能食也。欲飲水者。與水則噦。其後發熱者。必大便復

鞭而少也。以小承氣湯和之。不轉失氣者。慎不可攻也。夫實則讞語。虛則鄭聲。鄭聲者。重語也。

直視讞語喘滿者。死。下利者亦死。

發汗多。若重發汗者。亡其陽。讞語脉短者。死。脉自和者。不死。

傷寒。若吐若下。後不解。不大便五六日。上至十餘日。日

晡所發潮熱。不惡寒。獨語如見鬼狀。若劇者。發則不識

人。循衣摸牀。惕而不安。撮。一云。循衣妄。撮。怵惕不安。微喘直視。脉弦者。

生。瀉者死。微者。但發熱讞語者。大承氣湯主之。若一服

利。則止。後服。

陽明病。其人多汗。以津液外出。胃中燥。大便必鞭。鞭則

成本轉氣作
轉失氣

讞語。小承氣湯主之。若一服讞語止者。更莫復服。

陽明病。讞語發潮熱。脉滑而疾者。小承氣湯主之。因與

承氣湯一升。腹中轉氣者。更服一升。若不轉氣者。勿更

與。之明日。又不大便。脉反微瀋者。裏虛也。為難治。不可

更與承氣湯也。

陽明病。讞語有潮熱。反不能食者。胃中必有燥屎五六

枚也。若能食者。但鞭耳。宜大承氣湯下之。

陽明病。下血讞語者。此為熱入血室。但頭汗出者。刺期

門。隨其實而寫之。澀然汗出。則愈。

汗出讞語者。以有燥屎在胃中。此為風也。須下者。過經

乃可下之。下之若早。語言必亂。以表虛裏實故也。下之

愈宜大承氣湯一云大柴胡湯

傷寒四五日。脉沈而喘滿。沈為在裏。而反發其汗。津液越出。大便為難。表虛裏實。久則譫語。

三陽合病。腹滿身重。難以轉側。口不仁。面垢。又作譫語遺尿。發汗則譫語。下之則額上生汗。手足逆冷。若自汗出者。白虎湯主之。

二陽併病。太陽證罷。但發潮熱。手足絳絳。汗出。大便難。而譫語者。下之則愈。宜大承氣湯。

陽明病。脉浮而緊。咽燥口苦。腹滿而喘。發熱汗出。不惡寒。反惡熱。身重。若發汗則躁。心憤憤。公對反譫語。若如

溫針。必怵惕煩躁。不得眠。若下之。則胃中空虛。客氣動。

此章原本分為三章非

膈心中懊憹。舌上胎者。梔子豉湯主之。若渴欲飲水。口乾舌燥者。白虎加人參湯主之。若脉浮發熱。渴欲飲水。小便不利者。猪苓湯主之。

陽明病。汗出多而渴者。不可與猪苓湯。以汗多。胃中燥。猪苓湯復利。其小便故也。

脉浮而遲。表熱裏寒。下利清穀者。四逆湯主之。若胃中虛冷。不能食者。飲水則噦。

脉浮發熱。口乾鼻燥。能食者。則衄。陽明病。下之。其外有熱。手足溫。不結胸。心中懊憹。飢不能食。但頭汗出者。梔子豉湯主之。

陽明病。發潮熱。大便溏。小便自可。曾脅滿不去者。小柴

胡湯主之

陽明病脅下鞭滿不大便而嘔舌上白胎者可與小柴胡湯上焦得通津液得下胃氣因和身濺然汗出而解陽明中風脈弦浮大而短氣腹都滿脅下及心痛久按之氣不通鼻乾不得汗嗜臥一身及面目悉黃小便難有潮熱時時噦耳前後腫刺之小差外不解病過十日脈續浮者與小柴胡湯脈但浮無餘證者與麻黃湯若不尿腹滿加噦者不治

原本目上無面字

陽明病自汗出若發汗小便自利者此為津液內竭雖鞭不可攻之當須自欲大便宜蜜煎導而通之若土瓜根及大猪膽汁皆可為導

蜜煎方

食蜜 七合

右一味於銅器內微火煎當須凝如飴狀攪之勿令焦著候可丸併手捻作挺令頭銳大如指長二寸許當熱時急作冷則鞭以內穀道中以手急抱欲大便時乃去之疑非仲景意已試甚良○又大猪膽一枚瀉汁和少許法酢以灌穀道內如一食頃當大便出宿食惡物甚效

疑非以下成本無當刪本

陽明病脈遲汗出多微惡寒者表未解也可發汗宜桂枝湯

陽明病脈浮無汗而喘者發汗則愈宜麻黃湯

陽明病發熱汗出者此為熱越不能發黃也但頭汗出
身無汗劑頸而還小便不利渴引水漿者此為瘀熱在
裏身必發黃茵陳蒿湯主之

茵陳蒿 六兩

梔子 十四枚

大黃 二兩
去皮

右三味以水一斗二升先煮茵陳減六升內二味煮
取三升去滓分三服小便當利尿如皂莢汁狀色正
赤一宿腹減黃從小便去也

陽明證其人喜忘者必有畜血所以然者本有久瘀血
故令喜忘尿雖鞭大便反易其色必黑者宜抵當湯下
之

陽明病下之心中懊憹而煩胃中有燥屎者可攻腹微

滿初頭鞭後必溏不可攻之若有燥屎者宜大承氣湯
病人不大便五六日繞臍痛煩躁發作有時者此有燥
屎故使不大便也

病人煩熱汗出則解又如瘧狀日晡所發熱者屬陽明
也脈實者宜下之脈浮虛者宜發汗下之與大承氣湯
發汗宜桂枝湯

大下後六七日不大便煩不解腹滿痛者此有燥屎也
所以然者本有宿食故也宜大承氣湯

病人小便不利大便乍難乍易時有微熱喘冒不能臥
者有燥屎也宜大承氣湯

食穀欲嘔者屬陽明也吳茱萸湯主之得湯反劇者屬

上焦也

太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴者此轉屬陽明也小便數者大便必鞭不更衣十日無所苦也渴欲飲水少少與之但以法救之渴者宜五苓散

脈陽微而汗出少者為自和也汗出多者為太過陽脈實因發其汗出多者亦為太過太過者為陽絕於裏亡津液大便因鞭也

脈浮而芤浮為陽芤為陰浮芤相搏胃氣生熱其陽則絕

成本鞭作難

跌陽脈浮而濇浮則胃氣強濇則小便數浮濇相搏大便則鞭其脾為約麻子仁丸主之

麻子仁 二升

芍藥 半升

枳實 半斤

大黃 一斤

厚朴 一尺

杏仁 一升

右六味蜜和丸如梧桐子大飲服十丸日三服漸加以知為度

太陽病三日發汗不解蒸蒸發熱者屬胃也調胃承氣湯主之

傷寒吐後腹脹滿者與調胃承氣湯

太陽病若吐若下若發汗後微煩小便數大便因鞭者與小承氣湯和之愈

校正傷寒論

卷之五

成本不受食
作不能食

成本順字上
為字無

得病二三日。脉弱無太陽柴胡證。煩躁。心下鞭至四五
日。雖能食。以小承氣湯少少與之。微和之。令小安。至六
日。與承氣湯一升。若不大便六七日。小便少者。雖不受
食。但初頭鞭後必溏。未定成鞭。攻之必溏。須小便利。屎
定鞭。乃可攻之。宜大承氣湯。

傷寒六七日。目中不了了。睛不和。無表裏證。大便難。身
微熱者。此為實也。急下之。宜大承氣湯。

陽明病。發熱汗多者。急下之。宜大承氣湯。

發汗不解。腹滿痛者。急下之。宜大承氣湯。

腹滿不減。減不足言。當下之。宜大承氣湯。

陽明少陽合病。必下利。其脉不負者。為順也。負者失也。

互相剋賊。名為負也。脉滑而數者。有宿食也。當下之。宜

大承氣湯。

病人無表裏證。發熱七八日。雖脉浮數者。可下之。假令

已下。脉數不解。合熱則消。穀喜飢。至六七日。不大便者。

有瘀血。宜抵當湯。若脉數不解而下不止。必協熱便膿

血也。

傷寒發汗已。身目為黃。所以然者。以寒濕在裏不解。故

也。以為不可下也。於寒濕中求之。

傷寒七八日。身黃如橘子色。小便不利。腹微滿者。茵蘗

蒿湯主之。

傷寒身黃發熱者。梔子蘗皮湯主之。

於寒濕中求之者。其非仲景氏之語。其說在特解。

原本分若脉不解以下為二章非

肥梔子

十五箇

甘草

一兩

黃蘗

二兩

右三味以水四升煮取一升半去滓分温再服

傷寒。痧熱在裏身必發黃。麻黃連軹赤小豆湯主之。

麻黃

二兩

連軹

二兩

杏仁

四十箇

赤小豆

大棗

十二枚

生梓白皮

升

生薑

二兩

甘草

二兩

右八味以潦水一斗先煮麻黃再沸去上沫內諸藥

煮取三升去滓分温三服半日服盡

辨少陽病脉證并治第九 方一首并見三陽合病法

少陽之為病。口苦咽乾目眩也。

少陽中風。兩耳無所聞。目赤。脅中滿而煩者。不可吐下。

原方一首今刪

吐下則悸而驚

傷寒。脉弦細。頭痛發熱者。屬少陽。少陽不可發汗。發汗

則譫語。此屬胃。胃和則愈。胃不和煩而悸。 一云躁。

本太陽病不解。轉入少陽者。脅下鞅滿。乾嘔。不能食。往

來寒熱。尚未吐下。脉沈緊者。與小柴胡湯。若已吐下發

汗。温鍼。譫語。柴胡證罷。此為壞病。知犯何逆。以法治之。

三陽合病。脉浮大。上關上。但欲眠。睡目合。則汗

傷寒六七日。無大熱。其人躁煩者。此為陽去入陰。故也。

傷寒三日。三陽為盡。三陰當受邪。其人反能食而不嘔。

此為三陰不受邪也。

傷寒三日。少陽脉小者。欲已也。

此章原本分為二章非

少陽病欲解時從寅至辰上

少陽病欲解時從寅至辰上
三陽三陰不交則病
陽明三日三陽皆盡三陽皆盡其人反汗而愈
陽明六日三陽皆盡三陽皆盡其人反汗而愈

大日本

尾張

淺野微元甫校

校正傷寒論卷之五



蘆原内

